

# მდგრადობის პოლისი ვიზიტ ჯორჯია



მდგრადობის პოლისი შექმნილია Travelife-ის კრიტერიუმების მიხედვით  
საქართველო, თბილისი  
2023

## სარჩევი

ჩვენი მდგრადობის მისა.....	2
თავი 1: მდგრადობის მენეჯმენტი და სამართლებრივი შესაბამისობა.....	3
მდგრადობის მენეჯერი და მდგრადობის გუნდი .....	3
მდგრადობის პოლისი.....	3
სამოქმედო გეგმა .....	3
მონიტორინგი და შეფასება .....	3
თავი 2: შიდა მენეჯმენტი: სოციალური პოლიტიკა და ადამიანის უფლებები .....	4
ასოციაციის წევრობის უფლება.....	4
ჯანმრთელობისა და უსაფთხოების პოლიტიკა.....	4
თავი 3: შიდა მენეჯმეტი: გარემოს დაცვა.....	5
მდგრადი შესყიდვების პოლიტიკა.....	5
ერთჯერადი მოხმარების ნივთების შემცირება .....	6
ენერგიის მოხმარების შემცირების პოლიტიკა.....	6
მდგრადი ენერგია .....	7
შუქის ჩაქრობის პოლიტიკა .....	7
ენერგოეფექტური აღჭურვილობა .....	8
ნარჩენების შემცირების პოლიტიკა.....	8
თავი 4: განთავსების საშუალებები .....	8
ბავშვთა იძულებითი შრომა .....	8
ბავშვების სექსუალური ექსპლოატაცია .....	9
ადგილობრივი საჯარო რესურსები .....	9
თავი 5: აქტივობები .....	9
ველური ბუნების დაცვა .....	9
ველური ბუნების ხელყოფა .....	9
ველურ ბუნებასთან ინტერაქცია.....	10
თავი 6: ტურისტული ადგილმდებარეობები .....	10
აკრძალული სუვენირები .....	10
თავი 7: კლიენტთან კომუნიკაცია და მათი დაცვა .....	10
კლიენტთა პირადი ინფორმაციის კონფიდენციალურობა .....	10
ინფორმაციის გავრცელება და საჯარო კომუნიკაცია .....	11
თავი 8: ტრანსპორტი.....	11
ტრანსპორტის შერჩევა.....	11
თავი 9: აქტივობები .....	11
უარყოფითი ზემოქმედების მქონე აქტივობების შეზღუდვა.....	11

## ჩვენი მდგრადობის მისია

ტურისტული სააგენტო ვიზიტ ჯორჯია მდგრადობის პრინციპების პრაქტიკაში დაწერგვით, მიზნად ისახავს ადგილობრივი საზოგადოებების გაძლიერებას, ტრადიციების შენარჩუნებას, გარემოზე მისი ზეგავლენის შემცირებას და თანამშრომელთათვის ჯანსაღი სამუშაო გარემოს უზრუნველყოფას

აღნიშნული პოლისი არეგულირებს ვიზიტ ჯორჯიას მენეჯმენტის, თანამშრომლებისა და სერვისის ადგილობრივი მომწოდებლების ქმედებებს მდგრადობის ხელშეწყობის კუთხით. მისი განხორციელება პოზიტიურად აისახება კომპანიის თანამშრომელთა ყოფასა და რეგიონებში მცხოვრებ იმ ოჯახებზე, რომლებთანაც ვთანამშრომლობთ.

# თავი 1: მდგრადობის მენეჯმენტი და სამართლებრივი შესაბამისობა

## მდგრადობის მენეჯერი და მდგრადობის გუნდი

ვიზიტ ჯორჯიამ მის ორგანიზაციულ სტრუქტურაში შექმნა მდგრადობის მენეჯერის პოზიცია და ამ თანამდებობაზე დანიშნა პირი, რომელიც იმუშავებს მდგრადი განვითარების საკითხებზე. მისი მთავარი მოვალეობაა მდგრადობსათან დაკავშირებული პოლიტიკის შემუშავება და სხვადასხვა სახის ინიციატივების განხორციელება. ასევე მის პასუხისმგებლობას მიეკუთვნება Travelife-თან მუდმივი კომუნიკაცია და ვიზიტ ჯორჯიას მდგრადობის ანგარიშების წარდგენა.

Travelife-ის სტანდარტებთან სრულ შესაბამისობაში ყოფნისა და მდგრადობის საკითხების საერთო აღქმის დამკვიდრების მიზნით, ვიზიტ ჯორჯიაში შეიქმნა მდგრადობის გუნდი. ეს უკანასკნელი აქტიურად მონაწილეობს კომპანიის მდგრადი განვითარების პროცესებსა და Travelife-ის მიერ შემოთავაზებულ სასწავლო კურსებში.

## მდგრადობის პოლისი

ვიზიტ ჯორჯიამ შექმნა მისი მდგრადი განვითარების პოლიტიკა, რომელიც სრულ თანხმედრაშია Travelife-ის კრიტერიუმებთან. აღნიშნული დოკუმენტი საჯაროა და მარტივად ხელმისაწვდომი, როგორც ჩვენი თანამშრომლებისთვის, ისე პარტნიორი ორგანიზაციებისთვის. მასში განსაზღვრულია ვიზიტ ჯორჯიას მდგრადობის მისია, ამოცანები და სტრატეგიები. ვიზიტ ჯორჯიას მდგრადი განვითარების პოლიტიკა მიზნად ისახავს კომპანიის უარყოფითი სოციალური, კულტურული, ეკონომიკური და გარემოსდაცვითი ზემოქმედების მქონე ქმედებების მინიმუმადე შემცირებას. ასევე მასში ყურადღება გამახვილებულია კომპანიის თანამშრომლების ჯანმრთელობისა და უსაფრთხოების საკითხებზეც.

## სამოქმედო გეგმა

ვიზიტ ჯორჯიამ შექმნა მდგრადობის სამოქმედო გეგმა, რომელშიც დეტალურად არის განსაზღვრული კომპანიის მიზნები, დაგეგმილი აქტივობები, მათი განხორციელების ვადები, პასუხისმგებელი პირები და ეფექტიანობის გასაზომი მექანიზმები. თითოეულ თანამშრომელს თავისი როლი გააჩნია ხსენებული აქტივობების განცხოვილებაში. ეს პროაქტიული მიდგომა უზრუნველყოფს კომპანიის ყველა წევრის აქტიურ ჩართულობას მდგრადობის პროცესებში.

## მონიტორინგი და შეფასება

ვიზიტ ჯორჯიამ შეიმუშავა მონიტორინგისა და შეფასების პროცედურები, რათა შევაფასოთ კომპანიის მდგრადობის პოლიტიკით განსაზღვრული მიზნებისა და ამოცანების შესრულების ხარისხი. ამ პროცესში აქტიურად გამოვიყენებთ „Travelife-ის მონიტორნიგისა და შეფასების მექანიზმს“, რომელიც საშუალებას გვაძლევს შევაგროვოთ და ერთიან სივრცეში დავახარისხოთ ინფორმაცია ისეთ თემებზე, როგორებიცაა: ენერგიის მოხმარება, ქაღალდის მოხმარება, ნარჩენების მართვა, თანამშრომელთა ტრენინგები, სასტუმროები, ექსკურსიები და სხვა. აღნიშნულ მუდმივად განახლებად დოკუმენტში ინფორმაციის შეყვანა დაევალათ ჩვენი გუნდის სხვადასხვა წევრებს. ეს მექანიზმი საშუალებას გვაძლევს განვსაზღვროთ ჩვენი საწყისი დონე და შევაფასოთ, მივაღწიეთ თუ არა ჩვენს წლიურ მიზნებს.

## თავი 2: შიდა მენეჯმენტი: სოციალური პოლიტიკა და ადამიანის უფლებები

### ასოციაციის წევრობის უფლება

ვიზიტ ჯორჯია არ ზღუდავს პროფესიული კავშირების წევრობას, კოლექტიურ შრომით მოლაპარაკებებში მონაწილეობასა და პროფესიული კავშირების მიერ მისი თანამშრომლების მხარდაჭერას.

### ჯანმრთელობისა და უსაფრთხოების პოლიტიკა

ვიზიტ ჯორჯია სრულ თანხვედრაშია ყველა იმ ადგილობრივ კანონთან თუ რეგულაციასთან, რომლებიც იცავენ თანამშრომელთა და მომხმარებელთა (ვიზიტორთა) კეთილდღეობას. იმედი გვაქვს რომ თითოეული ჩვენი თანამშრომელი პროაქტიულად დაიცავს ჯანმრთელობის, უსაფრთხოებისა და გარემოს დაცვის სტანდარტებს. ჩვენ ჩვენის მხრივ ვიხელმძღვანელებთ შემდეგი პრინციპებით:

- სამუშაო გარემო არის უსაფრთხო
- თანამშრომელთა ჯანმრთელობის პრობლემების გამომწვევი რისკები შემცირებულია
- უსაფრთხოების დოკუმენტები მიღებულია და პრაქტიკაში ხორციელდება
- ნებისმიერი ნივთი შენახულია შესაბამისი წესების დაცვით
- თანამშრომლებს წვდომა აქვთ პირველადი დახმარების საშუალებებზე
- თანამშრომლები ინფორმირებულნი არიან მათ საქმიანობასთან დაკავშირებულ საფრთხეებზე, უტარდებათ ტრენინგები და სამუშაო პროცესის უსაფრთხოება მუდმივად კონტროლდება
- სამუშაო სივრცე აღჭურვილია საევაკუაციო გეგმებით
- ჰაერის გაგრილების სიტემა, განათება, საპირფარეშოები და სხვა შიდა ობიექტების თანხვედრაშია უსაფრთხოების სტანდარტებთან
- რეგულარულად მოწმდება თუ რამდენად დანიშნულებისამებრ გამოიყენება კომპანიის ოპერირებისთვის საჭირო აღჭურვილობა
- კონტროლდება ისეთი ნივთიერებების გამოყენება, რომლებიც შეიძლება საფთხის შემცველი იყოს ჯანმრთელობისთვის
- მაქსიმალურად შეზღუდულია ისეთი საქმიანობები, რომლებიც თანამშრომელთა ფიზიკურ ჩართულობას მოითხოვს და შეიცავს სხეულის დაზიანების რისკებს
- საჭიროების შემთხვევაში ყურადღებას ვაქცევთ თანამშრომელთა ჯანმრთელობის მდგომარეობას
- ნიშნების ჯამრთელობისა თუ უსაფრთხოების საკითხებთან დაკავშირებით განთავსებულია წესების დაცვით
- აღვირცხავთ თითორულ ინციდენტს
- ოფისი წესების დაცვით ნიავდება და თითოეული თანამშრომლისთვის სუფთა ჰაერი უზრუნველყოფილია
- ჰაერის ტეპერატურა რეგულირდება ნორმების დაცვით (სამუშაო სივრცეში მინიმალური ტემპერატურა განისაზღვრება 13 გრადუსით)
- ოფისის ყველა სივრცე არის კარგად განათებული
- სამუშაო სივრცე და აღჭურვილობა მუდმივად სუფთა და მოწესრიგებულ კონდიციაშია
- სამუშაო სივრცე საკმარისია შეუფერხებელი გადაადგილებისთვის (მინიმუმ 11 მ<sup>2</sup> ერთ პერსონაზე)
- თანამშრომლები უზრუნველყოფილნი არიან მოვალეობის შესრულებისთვის საჭირო ყველა ნივთით
- იატაკი, კიბეები და სხვა მაკავშირებელი არეალები უსაფრთხოა გადაადგილებისთვის

- თანამშრომლები დაცულნი არიან მაღალი სართულიდან გადმოვარდნის საფრთხისგან
- ფანჯრები, კარები და გასასვლელები აკმაყოფილებს უსაფრთხოების ნორმებს
- ოფისი აღჭურვილია სუფთა წყლითა და ხელსაბანებით
- თანამშრომლები უზრუნველყოფილნი არიან შესწევებითა და შვებულებით
- ასევე გარანტირებულია ველზე მომუშავე თანამშრომლების უსაფრთხოებაც

## თავი 3: შიდა მენეჯმეტი: გარემოს დაცვა

### მდგრადი შესყიდვების პოლიტიკა

მდგრადობისადმი ჩვენი ვალდებულების ფარგლებში, ვიზიტ ჯორჯიამ შექმნა “მდგრადი შესყიდვების პოლიტიკა”, რათა ამ მიმართულებით გავაძლიეროთ ჩვენი ძალისხმევა. აღნიშნული პოლიტიკა აერთიანებს პროდუქტისა თუ სერვისის შესყიდვის ისეთ პრინციპებს, რომლებიც უზრუნველყოფენ გარემოზე ზემოქმედების მინიმუმამდე შემცირებასა და სოციალურად პასუხმისმგებლიანი ინიციატივების მხარდაჭერას. შესყიდვის განხორციელებამდე ქვემოთ ჩამოთვლილი კრიტერიუმების მიხედვით ვაფასებთ მის აუცილებლობას:

- მართლა გვჭირდება თუ არა აღნიშნული პროდუქტი?
- შეიძლება თუ არა კონკრეტული ნივთის დაქირავება შესყიდვის ნაცვლად?
- ერთჯერადი მოხმარებისაა ნივთი თუ მისი გამოყენება ხანგრძლივად არის შესაძლებელი?
- წარმოქმნის თუ არა შესაძენი ნივთი დანიბძურების საფრთხეს პლანეტისთვის?
- შეგვიძლია თუ არა კონკრეტული პროდუქტის ადგილობრივი მწარმოებლისგან შეძენა?
- შეგვიძლია თუ არა ნივთების ერთიანი რაოდენობით შესყიდვა და მავნე ემისიების თავიდან აცილების მიზნით მრავალჯერ განხორციელებული გადაზიდვების თავიდან არიდება?

ახალი ნივთის შესყიდვამდე	უპირატესობას ვანიჭებთ	ვყიდულობთ ერთიანად
<ul style="list-style-type: none"> <li>- ვანახლებთ ან ხელახლა ვიყენებთ უკვე არსებულს და ვცილობთ გადაყრამდე მათ სხვა დანიშნულება მოვუძებნოთ</li> </ul>	<ul style="list-style-type: none"> <li>- პროდუქტებსა და სერვისებს, რომლებიც შექმნილია საზოგადოებრივისა და პლანეტის კეთილდღეობის გათვალისწინებით. მაგალითად, ადგილობრივი ნაწარმი, გადამუშავებული ნივთები, ნატურალური პროდუქტები და სხვა</li> <li>- ადგილობრივ მწარმოებლებს რომლებიც სერტიფიცირებულნი არიან მდგრადობის კუთხით ან აქვთ მდგრადობის პოლიტიკა</li> <li>- მწარმობლებს რომლებიც იცავენ ადგილობრივ, ეროვნულ და საერთაშორისო შრომის რეგულაციებს</li> </ul>	<ul style="list-style-type: none"> <li>- ვცდილობთ ნივთების შესყიდვისას თავიდან ავირიდოთ დამატებითი შეფუთვები, ამიტომ მომწოდებლებს ვაფრთხილებთ, რომ პროდუქტი მოგვაწოდონ დამატებითი შეფუთვის გარეშე ან შეფუთვის მდგრადი სამუალებების გამოყენებით</li> </ul>

შენიშვნა: ჩვენ უარს ვამბობთ არქეოლოგიური/ისტორიული არტეფაქტების ან/და ისეთი

## პროდუქტების შემენაზე, რომლებიც საფრთხეს უქმნის ფლორას და ფაუნას

შესყიდვის კრიტერიუმები სპეციფიური ნივეთებისადმი	
ქალალდი	ვყიდულობთ მხოლოდ ეკო-მეგობრულ და სერტიფიცირებულ თაბახის ფურცელს
ნათურები	ვყიდულობთ ლედ ნათურებს და ვითვალისწინებთ ენერგიის მოხმარებას (ვატში) და სინათლის გამოყოფა (ლუმენში). სტანდარტის მიხედვით ნათურა მოხმარებულ ვატზე მეტ ლუმენს უნდა გამოყოფდეს.
ელექტრონული მოწყობილობები	ვყიდულობთ თანამედროვე, ინოვაციურ და მრავალწლიანი მოხმარების მოწყობილობებს
ჩაი და ყავა	ვყიდულობთ პირდაპირ მწარმოებლისგან ან სერთიფიცირებული მოწმოდებლისგან დიდი რაოდენობით
ჰიგიენური საშუალებები	ვყიდულობთ ისეთ საშუალებებს, რომლებსაც ნაკლები უარყოფითი გავლენა აქვთ გარემოზე და ჩვენს თანაშმრომლებს ვატრენინგებთ ჰიგიენური საშუალებების ეკო-მეგობრულად გამოყენების მეთოდებში
ოფისის აღჭურვილობა	მუდმივად ვეძებთ ეკო-მეგობრულ ალტერნატივებს
საღებავები	ვყიდულობთ ტყვიისგან თავისუფალ და წყალზე დამზადებულ საღებავებს, რათა თანამშრომელთათვის უზრუნველყოფით უსაფრთხო გარემო

## ერთჯერადი მოხმარების ნივთების შემცირება

ვიზიტ ჯორჯია იზიარებს მოსაზრებას, რომ ერთჯერადი ნივთების მოხმარება უარყოფით გავლენას ახდენს სითბური აირების გამოყოფასა და კლიმატის ცვლილებაზე. აღნიშნული გამოწვევის დაძლევის მიზნით, გადავწყვიტეთ, რომ შევიმუშავოთ კორპორატიული კულტურა რომელიც ორიენტირებული იქნება ერთჯერადი ნივთების რაციონალურ გამოყენებაზე.

ჩვენი მიზანია მაქსიმალურად შევამციროთ ერთჯერადი გამოყენების ნივთების მოხმარება და ამ გზით შევამციროთ ჩვენი გავლენა გარემოსა და რესურსების არარაციონალურ გამოყენებაზე. ვიზიტ ჯორჯიამ პრაქტიკაში დანერგა 5R-ის პრინციპი:

**შეზღუდვა:** შესყიდვის განხორციელებამდე ვსვამთ კითხვას, ნამდვილად გვჭირდება თუ არა კონკრეტული ერთჯერადი გამოყენების ნივთი

**შემცირება:** ვარკვევთ შეგვიძლია თუ არა ერთჯერადი გამოყენების ნივთზე უარის თქმა ან მისი მდგრადი ალტერნატივებით ჩანაცვლება

**ხელახლი გამოყენება:** ვაანალიზებთ ნივთის მრავალჯერ და ხანგრძლივად გამოყენების პერსპექტივას

**სხვა მიზნით გამოყენება:** ვცდილობთ ერთჯერადი გამოყენების ნივთების სხვა დანიშნულებით მოხმარებას

**გადამუშავება:** ნივთის გამოყენების რესურსის ამოწურვის შემდეგ ვუზრუნველყოფთ მის გადამუშავებას

## ენერგიის მოხმარების შემცირების პოლიტიკა

ვიზიტ ჯორჯია მიზნად ისახავს შეამციროს ენერგიის მოხმარება და შესაბამისად შეამციროს მისი გავლენა გარემოზე. ჩვენ შევიმუშავეთ სიღრმისეული პოლიტიკა, რომელიც შემდეგი ამოცანების

შესრულებაზეა ორიენტირებული:

- შევამციროთ ენერგიის მოხმარება კომპანიის ოპერირებაში
- მაქისმალურად ოპტიმალურად გამოვიყენოთ ენერგია
- განვანათლოთ ჩვენი თანამშრომლები ენერგო ეფექტიან ქცევებთან დაკავშირებით

ვიზიტ ჯორჯიას „ენერგიის მოხმარების შემცირების პოლიტიკა“ ოთხ მთავარ პრინციპს ეფუძნება

1. ვიზიტ ჯორჯიას პერსონალი ფლობს ინფორმაციას გათბობისა და გაგრილების ენერგოეფექტურ მეთოდებზე, ახორციელებს მათ პრაქტიკაში, რათა არასამუშაო პერიოდში მაქსიმალურად დაზოგოს ენერგორესურსები.
2. ოფისი აღჭრულვილია ენერგოეფექტური ლედ ნათურებითა და თანამშრომლებიც აქტიურად აღასრულებენ „შუქის ჩაქრობის“ პოლიტიკას
3. ოფისი აღჭურვილია ენერგოეფექტური კომპიუტერებითა და პრინტერებით. თითოეული მოწყობილობა დაყენებულია ენერგოეფექტიან რეჟიმზე.
4. ვიზიტ ჯორჯიას პერსონალი აქტიურად იყენებს ელექტრონული ფოსტით კომუნიკაციის მეთოდს, ხოლო დიდი მოცულობის ფაილების გასაგზავნად მივმართავთ ონლაინ ბაზებში დოკუმენტების ატვირთვისა და ბმულების გენერირების პრაქტიკას.

ვიზიტ ჯორჯია რეგულარულად უწევს მონიტორინგს ენერგიის მოხმარებას და აფასებს ენერგიის შემცირების პოლიტიკის ეფექტიანობას. ნებისმიერი უკუკავშირი გათვალის წინებულია ენერგო რესურსების მოხმარების სტრატეგიაში. ამ მიმართულებით მუდმივად ვცდილობთ წინსვლას.

ვიზიტ ჯორჯიას თითოეული თანამშრომელი ვალდებულია მკაცრად იცავდეს ენერგიის მოხმარების შემცირების პოლიტიკას. აღნიშნული პოლიტიკა მუდმივად განხილვისა და გაუმჯობესების ობიექტია, რათა მაქსიმალურად ინტეგრირდეს მასში საერთაშორისო პრაქტიკა და თანამედროვე ტექნოლოგიური მიღწევები.

## მდგრადი ენერგია

ვიზიტ ჯორჯია ამჟამად იყენებს განახლებად ჰიდროენერგიას. თუმცა, ჩვენ ყურადღებით ვადევნებთ თვალყურს ტექნოლოგიურ პროგრესს და მზად ვართ გადავიდეთ მდგრად მწვანე ენერგიაზე, როგორც კი ქვეყანაში ამის შესაძლებლობა გაჩნდება.

## შუქის ჩაქრობის პოლიტიკა

2021 წელს ვიზიტ ჯორჯიამ აამოქმედბა „შუქის ჩაქრობის“ პოლიტიკა, რომელიც მიზნად ისახავს ენერგიის დაზოგვასა და ბიზნეს ოპერირებაში მდგრადი პრაქტიკების დანერგვას. აღნიშნული პოლიტიკა რამდენიმე მირითად პრინციპს აერთიანებს, რომელთა შესრულებაც თითოეული თანამშრომლისთვის სავალდებულოა:

- თანამშრომლები ვალდებული არიან გამორთონ კომპიუტერები შესვენების პერიოდში ან სამუშაო დღის დასრულების შემდეგ.
- თანამშრომლები ვალდებული არიან გათიშონ კონდიციონერი ოთახის დატოვებისას. ასევე კონდიციონერის მუშაობის პერიოდში ფანჯრები და კარები უნდა იყოს დაკეტილ მდგომარეობაში, რათა მინიმალური დანახარჯით გაგრილდეს ოთახი.
- თანამშრომლები ვალდებული არიან დაკეტონ ფანჯრები და კარები როდესაც გათბობის სისტემა ჩართულია.
- თანამშრომლები ვალდენული არიან ოთახის განიავებისას დროებით გათიშონ გათბობის რადიატორები

- თანამშრომლები ვალდებული არიან გათიშონ ნებისმიერი ელექტრონული მოწყობილობა როცა იგი გამოუყენებელ მდგომარეობაშია

## ენერგოფექტური აღჭურვილობა

გარემოს მდგრადობის შესანარჩუნებლად აღებული პასუხიმგებლობის ფარგლებში, ვიზიტ ჯორჯია აქტიურად ნერგავს პრაქტიკაში ენერგიის ეფექტიანად მოხმარების თანამედროვე პრაქტიკას. ახალი აღჭურვილობის შესყიდვისას პრიორიტეტი ენიჭება ევროკავშირის ან Energy Star-ის მიერ აღიარებულ ენერგოფექტიან მოწყობილობებს.

## ნარჩენების შემცირების პოლიტიკა

ვიზიტ ჯორჯიას ნარჩენების შემცირების პოლიტიკა დაფუძნებულია 5R-ის პრინციპზე, რაც ნარჩენების წარმოქმნის მინიმუმამდე შემცირებას ისახვს მიზნად. აღნიშნული პოლიტიკა მოიცავს შემდეგ მიდგომებს:

- გადამუშავებადი და მრავალჯერადად გამოყენებადი ნივთების გამოყენება
- საჭირო ინვენტარის ერთიანად შესყიდვა
- ზემდეტი შეფუთვების თავიდან არიდება
- მაღალი ხარისხის, მაღალი გამძლეობისა და მარტივად შეკეთებადი აღჭურვილობის შემენა
- ერთჯერადი გამოყენების ნივთების მაქსიმალური დატვირთვით ათვისება
- ჯამრთელობისთვის საშიში საშუალებების ნაცვლად ეკო-მეგობრული საშუალებების გამოყენება
- საკვებისთვისა და წყლისთვის მრავალჯერადი გამოყენების სათავსოების გამოყენება
- ქაღალდის ჭიქების, პლასტმასის ბოთლებისა და სხვა მსგავსი ინვენტარის შეზღუვდა
- ძველი ავეჯისა და სხვა ინვენტარის საქველმოქმედო ორგანიზაციებისთვის გადაცემა
- ნარჩენების ეკო-ორგანიზაციებისთვის გადაცემა
- მრავალჯერადი გამოყენების ბოთლების პოპულარიზება

ნარჩენების შემცირების პოლიტიკის პროაქტიულ რეჟიმში განხორციელებამდე შევაფასეთ ნარჩენების მოხმარების ამჟამინდელი დონე და დავისახეთ კონკრეტული მიზნები:

- ფურცელზე ორმხრივი ბეჭდვის პრაქტიკის 100%-ით შენარჩუნება
- ქაღალის მოხმარების 95%-ით შემცირება
- ბროშურების ბეჭდვაზე უარის თქმა
- ერთიანი შესყიდვების გაზრდა 25%-ით
- ოფისის ნარჩენების 30%-ის შემცირება
- პლასტმასის ნივთებზე დამოკიდებულების 25%-ით შემცირება

## თავი 4: განთავსების საშუალებები

### ბავშვთა იძულებითი შრომა

ვიზიტ ჯორჯია ყურადღებით ეკიდება მის პარტნიორ სასტუმროებში ბავშვთა უფლებების დაცვის საკითხს. ჩვენ არ ვთანამშრომლობთ ისეთ განთავსების საშუალებებთან, რომლებიც ბავშვებს პირდაპირ ან ირიბად ზრდასრულთათვის განკუთვნილი საქმიანობების შესრულებას აიძულებენ. თუ რომელიმე დაწესებულება ბავშვებს ასაქმებს, მაშინ სამუშაო დრო და პირობები სრულ თანხვედრაში უნდა იყოს ბავშვთვა უფლებების შესახებ გაეროს კონვენციასთან და შრომის საერთაშორისო ორგანიზაციის 138-ე კონვენციასთან.

ჩვენ ვხელმძღვანელობთ ბავშვთა შრომის საყოველთაოდ აღიარებული განმარტებით, რომელიც შემუშავებულია შრომის საერთაშორისო ორგანიზაციის მიერ - „ბავშვთა შრომა ბავშვებს ართმევს ბავშვობას, პოტენციალს და ღირსებას, რაც საზიანოა მათი ფიზიკური და გონიერივი განვითარებისთვის“. ბავშვთვა შრომა მოიცავს მუშაობის ისეთ ფორმებს, რომლებიც გონიერივად, ფიზიკურად, სოციალურად თუ მორალურად საშიში და საზიანოა ბავშვებისთვის. იგი ასევე ბაშვებს უზღუდავს სასკოლო განათლების მიღების უფლებას, ართმევს მათ სკოლაში სიარულის შესაძლებლობას, იძულებულს ხდის მიატოვონ სასწავლო დაწესებულება ან სწავლა შეუთავსონ ზედმეტად ხანგრძლივ და მძიმე შრომას.

## ბავშვების სექსუალური ექსპლოატაცია

ვიზიტ ჯორჯია მის კონტრაქტორ სასტუმროებს ავალდებულებს დაგმონ ბავშვთა სექსუალური ექსპლოატაცია მათი დაწესებულების ფუნქციონირების ფარგლებში. ჩვენ ვიტოვებთ უფლებას შეწყვიტოთ ხელშეკრულება, ისეთ სერვისის მომწოდებელთან, რომელიც ვერ მიიღებს ადეკვატურ ზომებს ბავშვების სექსუალური ექსპლუატაციის თავიდან ასაცილებლად.

## ადგილობრივი საჯარო რესურსები

ვიზიტ ჯორჯია უფლებას იტოვებს გაფრთხილების გარეშე შეწყვიტოს თანამშრომლობა სერვისის ისეთ მომწოდებელთან, რომელიც ადგილობრივ საზოგადოებას უზღუდავს წვდომას სასიცოცხლოდ მნიშვნელოვან რესურსებსა თუ სერვისებზე.

## თავი 5: აქტივობები

### ველური ბუნების დაცვა

ვიზიტ ჯორჯია არ ახორციელებს ისეთ საექსკურსიო მომსახურებებს, რომლებიც ეფუძნება ცხოველთა დატყვევების პრინციპს. გამონაკლისია ისეთი აქტივობები, რომლებშიც ცხოველთა ექსპლოატაცია თანხვედრაშია ადგილობრივ, ეროვნულ ან/და საერთაშორისო რეგულაციებთან. ექსკურსიები, რომლებიც მოიცავს ველურ ბუნებასთან ურთიერთობას, კონტროლდება შესაბამისი ქცევის კოდექსით. ეკოსისტემებში უარყოფითი ჩარევის შანსები მინიმუმამდეა დაყვანილი

### ველური ბუნების ხელყოფა

ველური ბუნების სახეობების შეგროვება/მონადირება, პირადი მიზნებისთვის გამოყენება, გამოფენა, გაყიდვა ან მათით ვაჭრობა დაუშვებელია, გარდა იმ შემთხვევებისა, როდესაც ამგვარი საქმიანობა თანხვედრაშია ადგილობრივ, ეროვნულ ან/და საერთაშორისო რეგულაციებთან და ხორციელდება მდგრადობის პრინციპების გათვალისწინებით.

ვიზიტ ჯორჯია არ უწყობს ხელს ისეთი სუვენირების რეალიზაციას, რომლებიც წარმოადგენენ საფრთხის ქვეშ მყოფი ფლორისა თუ ფაუნის სახეობებს. აღნიშნული სახეობების ნუსხა განსაზღვრულია “გადაშენების საფრთხის წინაშე მყოფი ველური ფლორისა და ფაუნის სახეობებით საერთაშორისო ვაჭრობის შესახებ” კონვენციითა და “ბუნების დაცვის საერთაშორისო კავშირის მიერ შედგენილი წითელი ნუსხის” დოკუმენტით. თუ ტურში ამ მიმართულებით რაიმე სახის დანაშაულებრივი ქცევა გამოვლინდება, ვიზიტ ჯორჯია იტოვებს უფლებას შეწყვიტოს ხელშეკრულება გაფრთხილების გარეშე ნებისმიერ მხარესთან.

## ველურ ბუნებასთან ინტერაქცია

ვიზიტ ჯორჯია მიზნად ისახავს ხელშეუხებლად შეინარჩუნოს ადგილობრივი საზოგადოებები და გარემო, მოგზაურებისთვის ტურისტული სერვისის მიწოდების პროცესში. ჩვენი მიზანია დავიცვათ ბუნებრივი და კულტურული მემკვიდრეობა, რისთვისაც საერთაშორისო პრაქტიკის გათვალისწინებით შევქმნით სპეციალური ინსტრუქციები. ჩვენ:

- ყურადღებით ვეკიდებით გარემოსთვის მინიმალური ზიანის მიყენების საკითხს და სტუმრებს მივუთითებთ ადგილობრივი ეკოსისტემების დაცვის მნიშვნელობაზე
- მხარს ვუჭირთ ველური ბუნების დათვალიერების პასუხისმგებლიან მეთოდებს და ვეწინააღმდეგებით ისეთ აქტივობებს, რომლებიც უხეშად ერევა ადგილობრივი ფლორისა თუ ფაუნის ცხოვრებაში
- გაგრემოს დაბინძურების შემცირების მიზნით პოპულარიზაციას ვუწევთ მრავალჯერადი გამოყენებისა და ეკო-მეგობრულ ნივთებს
- სტუმრებს დეტალურ ინფორმაციას ვაწვდით მოსანახულებელი ტერიტორიის კულტურულ და ბუნებრივ მნიშვნელობაზე
- ტურისტულ გიდებს ვავალდებულებთ, რომ სტუმრებს ბუნებაში მოქცევის დეტალური ინსტრუქტაჟი ჩაუტარონ
- ვცდილობთ თავიდან ავირიდოთ კონკრეტულ ტერიტორიებზე დიდი რაოდენობით ვიზიტორთა თავმოყრა, რისთვისაც ტურისტული ჯგუფის ზომაზე გარკვეულ შეზღუდვებს ვაწესებთ

## თავი 6: ტურისტული ადგილმდებარეობები

### აკრძალული სუვენირები

ვიზიტ ჯორჯია ხელს უწყობს პასუხისმგებლიანი ტურიზმის პრაქტიკის დანერგვას და იცავს საქართველოს კულტურულ და ბუნებრივ მემკვიდრეობას. ეთიკური და მდგრადი ტურიზმის ხელშეწყობის პოლიტიკიდან გამომდინარე, ჩვენ ვეწინააღმდეგებით ისეთი არალეგალური სუვენირების ყიდვა-გაყიდვას, როგორებიცაა:

- საფრთხის ქვეშ მყოფი ფლორისა თუ ფაუნის სახეობები
- არალეგალურად მოპოვებული ისტორიული და არქეოლოგიური არტეფაქტები
- ნარკოტიკები ან არალეგალური ნივთიერებები

## თავი 7: კლიენტთან კომუნიკაცია და მათი დაცვა

### კლიენტთან პირადი ინფორმაციის კონფიდენციალურობა

ვიზიტ ჯორჯია უზრუნველყოფს კლიენტთა პირადი ინფორმაციის კონფიდენციალურობასა და მის უსაფთხო შენახვას. ჩვენ შევქმნით პირადი ინფორმაციის კონფიდენციალურობის პოლიტიკა, რომელიც არა მხოლოდ ადგილობრივ კანონმდებლობას, არამედ საერთაშორისო სტანდარტებსაც შეესაბამება.

სენსიტიური ინფორმაცია ელექტრონულად ინახება ჩვენს მონაცემთა ბაზაში, რომელიც დაცულია და ხელმისაწვდომია მხოლოდ ავტორიზირებული თანამშრომლებისთვის. ეს უკანა-სკნელნი მკაცრად იცავენ კონფიდენციალურობის პროცედურებს. თუ პირადი ინფორმაციის

შემცველი რომელიმე დოკუმენტი შიდა მიზნებისთვის იბეჭდება, იგი ინახება ჩვენს ოფისში არსებულ საქაღალდებში, რომელიც ხელმისაწვდომია მხოლოდ მაღალი სანდობის მქონე თანამშრომლებისთვის. თუ დოკუმენტები აღარ გამოიყენება, იგი ნადგურდება, შესაბამისი პროცედურების დაცვით.

- პერსონალური მონაცემები გროვდება მხოლოდ იმ შემთხვევაში, თუ ისინი აუცილებელია კლიენტისთვის შეთავაზებული სერვისის განსახორციელებლად
- ნებისმიერი პერსონალური მონაცემი ინახება მაქსიმუმ 1 წლის განმავლობაში
- კლიენტები ინფორმირებულები არიან მონაცემების შენახვის ჩვენი სისტემის შესახებ. მათ ყოველთვის აქვთ შესაძლებლობა თავიანთი პერსონალური ინფორმაცია წაშალონ ჩვენი მონაცემთა ბაზიდან
- ჩვენ პასუხიმგებელნი ვართ, რომ ჩვენი კლიენტების პირადი ინფორმაცია დაცულია და მათ მიერ მოწოდებული მონაცემები მაქსიმალურად უსაფრთხოდ და კონფიდენციალურად არის შენახული.
- იმ შემთხვევებში, თუ რომელიმე სერვისის განხორციელება მოითხოვს მესამე მხარისთვის კლიენტის პირადი მონაცემების გადაცემას, იგი დაუყოვნებლივ იღებს ინფორმაციას ამ ფაქტის შესახებ

## ინფორმაციის გავრცელება და საჯარო კომუნიკაცია

ვიზიტ ჯორჯია პასუხისმგებელია, რომ მისი მარკეტინგული ან/და სარეკლამო დოკუმენტები არ შეიცავს შეცდომაში შემყვან ინფორმაციას. ჩვენ მომხმარებლებს არ ვპირდებით იმაზე მეტს, ვიდრე რეალურად ვთავაზობთ. ჩვენი კომპანიის თითოეული თანამშრომელი აცნობიერებს იმ პასუხისმგებლობას, რომ კლიენტებს მხოლოდ რეალური სერვისები შესთავაზოს.

## თავი 8: ტრანსპორტი

### ტრანსპორტის შერჩევა

ვიზიტ ჯორჯია მაქსიმალურად ცდილობს, რომ ტურებში გამოყენებულმა სატრანსპორტო საშუალებებმა არ გამოიწვიონ გარემოს საშუალოზე მეტი დაბინძურება. ჩვენ გვჯერა, რომ ტრანსპორტი მდგრადი ტურიზმის მნიშვნელოვანი ასპექტია და ყველაფერს ვაკეთებთ, რომ შევამციროთ ამ მიმართულებით გამოწვეული დაბინძურების დონე.

## თავი 9: აქტივობები

### უარყოფითი ზემოქმედების მქონე აქტივობების შეზღუდვა

ვიზიტ ჯორჯია მის კლიენტებს არ სთავაზობს ისეთ ტურისტულ აქტივობებს, რომლებიც ზიანს აყენებენ ადამიანებს, ცხოველებს, მცენარეებს, ბუნებრივ რესურსებს (მაგ. წყალი/ენერგია), ან რომლებიც სოციალურად/კულტურულად საზოგადოებისთვის მიუღებელია.